

# Amu min

Vortoj: Mikaelo Bronŝtein  
Muziko: Ĵomart Amzeev

Mi ne kuraĝas tiom peki  
Pli bobon de l' destino peti  
Ĉar multon jam donacis ĝi  
Mia destin kaprica damo,  
    Mi vin ne trompis en iamo  
    Do amu min, dum vivas mi

Dum restas forto en la brako  
Por levi glason da konjako  
En mia bona kompani', -  
Al vi vojaĝas mi pilgrime,  
Al vi mi preĝas proze, rime, -  
Do, amu min, dum vivas mi.

Rf:     Do amu min, dum vivas mi

La ĝuo de kantad' senzorga  
finiĝos morgaŭ aŭ post morgaŭ  
Kvazaŭ fantoma iluzi'  
Al mia voĉo sur kasede  
vi gapos pigre kaj oscede,  
Do, amu min, dum vivas mi.

Ah, mia sinjorin' aminda  
Kunigis nin okazo blinda  
Ĉu la komprenon donos Di'  
Ke foje flugos ni fantome  
Sen eblo kuni korpe, home ?!  
Do, amu min, dum vivas mi.

Ĉu nur ĉagreno ironia,  
Aŭ pura am' en iro nia –  
Kion en viv' mi volus pli ?  
Ke daŭru plu la samaj strioj  
De festoj miaj, plagoj miaj ...  
Do, amu min, dum vivas mi !

